

全華叢書



金華叢書



西漢年紀卷之三

宋王益之撰

郡後學胡鳳丹月樵校梓

惠帝

孝惠皇帝諱盈高祖太子也母曰呂皇后帝年五歲

高祖初爲漢王二年立爲太子十二年四月高祖崩

五月丙寅太子卽皇帝位

漢書紀

是時高祖八子長男

肥帝兄也異母肥爲齊王餘皆帝弟戚姬子如意爲

趙王薄夫人子恆爲代王諸姬子子恢爲梁王子友

爲淮陽王子長爲淮南王子建爲燕王高祖弟交爲

楚王兄子濞爲吳王非劉氏功臣番君吳芮子臣爲

長沙王

史記紀

尊皇后曰皇太后

漢書紀

漢興因秦之稱

號帝母稱皇太后祖母稱太皇太后適

讀曰

稱皇后

妾皆稱夫人又有美人良人八子七子長使少使之

號焉至武帝制健

音接仔

音子姪

五經反

娥俗

音容

華充依各

有爵位而元帝加昭儀之號凡十四等云昭儀位視

丞相爵比諸侯王健仔視上卿比列侯姪娥視中二

千石比關內侯俗華視眞二千石比大上造美人視

二千石比少上造八子視千石比中更充依視千石

比左更七子視八百石比右庶長良人視八百石比

左庶長長使視六百石比五大夫少使視四百石比

公乘五官視三百石順常視二百石無涓共和娛靈

保林良使夜者皆視百石上家人子中家人子視有

秩斗食云五官以下葬司馬門外外戚傳序按此

皇太后之文而連類及漢一朝後宮之制體賜民爵

一級中郎郎中滿六歲爵三級四歲二級蘇林曰中郎省中郎

也外郎滿六歲二級蘇林曰外郎散郎也中郎不滿一歲一級

外郎不滿二歲賜錢萬宦官尚食比郎中應邵曰舊有五尚尚

冠尚帳尚席尚衣亦是漢儀注省
中有五尚而內官婦人有諸尚 謁者執楯執戟武

士騶比外郎太子御驂乘賜爵五大夫舍人滿五歲

二級賜給喪事者二千石錢二萬六百石以上萬五

百石二百石以下至佐史五千視作斥土者將軍四

十金二千石二十金六百石以上六金五百石以下

至佐史二金減田租復十五稅一
鄧展曰漢初十五稅一中間廢今復

之爵五大夫吏六百石以上及宦皇帝而知名者有

罪當盜械者皆頌
與客 繫上造以上及內外公孫耳

孫有罪當刑及當爲城旦舂者皆耐爲鬼薪白粲
應邵

曰城旦者旦起行治城春者婦人不豫外徭但春作米皆四歲刑鬼薪取薪給宗廟白粲坐擇米使正白

皆三歲刑民年七十以上若不滿十歲有罪當刑者完之

本紀詔曰吏所以治民也能盡其治則民賴之故重其

祿所以爲民也今吏六百石以上父母妻子與同居

及故吏嘗佩將軍都尉印將兵及佩二千石官印者

家惟給軍賦他無有所與讀曰豫帝謂叔孫通曰先

帝園陵寢廟羣臣莫能習徙爲奉常定宗廟儀法通傳

高祖廟奏武德文始五行之舞武德舞者高祖時作

以象天下樂已行武以除亂也文始舞者本舜招舞

也高祖更名文始舞五行舞者本周舞也秦始皇更
名五行舞蓋樂已所自作明有制也樂先王之樂明
有法也

禮樂志

令郡國諸侯各立高祖廟以歲時祠

史記

高紀

初陳平周勃既受詔馳傳未至軍行計曰樊噲帝

之故人功多又吕后女弟須夫有親且貴帝以忿怒
故欲斬之即恐後悔寧囚而致上令上自誅之未至
軍爲壇以節召樊噲噲受詔即反接載檻車詣長安
而令周勃代將兵定燕平聞高帝崩平恐吕后及吕
須怒乃馳傳先去逢使者詔平與灌嬰屯于滎陽平

受詔立復馳至宮哭殊悲因奏事喪前呂后哀之曰

君出休矣平畏讒之就因固請之得宿衛中太后乃

以爲郎中令日傅教帝是後呂頹讒乃不得行樊噲

至卽赦復爵邑

平傳

高祖諸御幸姬戚夫人之屬太后

怒皆幽之不得出宮而薄姬以希見故得出從子之

代爲代王太后太后弟薄昭從如代

史記外戚世家

太后最

怨戚夫人乃令永巷囚戚夫人

史記呂紀

髡鉗衣赭衣令

舂戚夫人舂且歌曰子爲王母爲虜終日舂薄暮常

與死爲伍相離三千里當誰使告女

讀曰汝

太后聞之

大怒曰乃欲倚女子耶呂后傳使使召趙王趙相周昌

令王稱疾不行使者三反昌曰高帝屬之欲反臣趙王

趙王年少竊聞太后怨戚夫人欲召趙王并誅之臣

不敢遣王王且亦病不能奉詔太后怒乃使使召趙

相相至謁太后太后罵昌曰爾不知我之怨戚氏乎

而不遣趙王昌既被徵太后復使使召趙王王果來

周昌傳未到帝慈仁知太后怒自迎趙王霸上入宮自

挾與趙王起居飲食太后欲殺之不得聞呂后紀太后

德留侯張良乃彊食讀曰之曰人生一世閒如白駒

之過隙何自苦如此良不得已彊聽食

良太后德太

僕夏侯嬰之脫帝及魯元于下邑閒也乃賜嬰北第

第一曰近我以尊異之

夏侯嬰傳

元年冬十二月民有罪得買爵三十級以免死罪

應

一級直賜民爵戶一級

本紀

春正月城長安

按原本無城長安句

錢二千而五年九月獨書長安城成

除諸侯相國法更以參

為丞相

曹參世家

考異曰荀紀載于是年冬未殺趙王如意之前按史記大事記載于城長安

之後今從史

夏詔賜酈侯呂台父周呂侯澤諡為令

武侯

呂后秋九月封長沙王芮子淺便侯

年表

太史公曰讀列封至便侯曰有以也夫長沙
者著令甲稱其忠焉昔高祖功臣王者八國至
孝惠時惟獨長沙全竟無過爲藩守職信矣故
其澤流枝庶母功而侯者數人

素隱曰按表芮子淺封便侯傳

至元孫又封臣之子
爲沅陵侯亦至元孫

二年冬十月楚王交齊王肥京朝帝與齊王燕飲太

后前帝以爲齊王兄置上坐如家人禮太后怒乃酌

兩卮酖置前令齊王起爲壽齊王起帝亦起取卮欲

俱爲壽太后乃恐自起泛

漢書作反

帝卮齊王怪之因不

敢飲佯醉去問知其酖更恐自以爲不得脫長安上

車太息齊內史士

按劉向新序無去字

參乘怪問其故王具以

狀語內史內史曰王寧亡十城邪將之

按劉向新序之作亡蓋此

本誤

齊國也王曰得全身而已何敢愛城哉內史曰太

后獨有帝與魯元公主今王有七十餘城而公主乃

食數城誠以十城上太后爲公主湯沐邑內有親親

之恩外有順太后之意太后必喜是亡十城而得六

十城也王曰善至邸上奏獻城陽郡尊公主爲王太

后呂太后果太悅乃置酒齊邸樂飲罷歸齊王

史記新序

春正月天開東北廣十餘丈長二十餘丈

荀紀

相國蕭

何病上親自臨視何疾因問曰君卽百歲誰可代君

對曰知臣莫如主帝曰曹參何如何頓首曰帝得之

矣何死不恨矣秋七月辛未何薨諡曰文終侯

本紀何傳

太史公曰蕭相國何于秦時爲刀筆吏錄錄未

有奇節及漢興依日月之末光何謹守管鑰因

民之疾奉法順流與之更始淮陰黔布等皆以

誅滅而何之勳爛焉位冠羣臣聲施後世與閔

天散宜生等爭烈矣

房中祠樂高祖唐山夫人所作也周有房中樂至秦

名曰壽人高祖樂楚聲故房中樂楚聲也是歲帝使

樂府令夏侯寬按樂府武帝時始立樂府今疑當作大樂令備其簫管更

名曰安世樂禮樂志

三年秋七月南越王趙佗稱臣奉貢本紀隕石于綿諸

一荀紀初秦置監御史漢興省之顏曰秦時御史監郡若今刺史如曰秦并

天下為三十六郡郡置守尉監至是帝始遣御史監三輔郡察詞訴

所察之事凡九條漢儀云惠帝三年相國奏御史監三輔郡察以九條察有詞訟者盜

賊者偽鑄錢者恣為姦詐者論獄不直者擅興徭賦不平者吏不廉者吏以苛刻故劾無罪者敢為踰侈

及努力十石以上者作監者二歲更之常以十月奏

事十二月還監其後諸州復置監御史通典長修侯杜

恬爲廷尉百官表

四年冬十月楚王交齊王肥淮南王長趙王友來朝

史記王午帝納皇后張氏納采鴈璧乘馬束帛聘黃

金二萬劬馬十二匹通典納魯元註曰呂后爲帝爲天下

初定復弛商賈之律然市井子孫亦不宦爲吏食貨志平

準書帝爲東朝長樂宮數蹕煩民作復方目道方築武

庫南叔孫通奏事因請開曰陛下何自築復道高帝

寢衣冠月出游高廟子孫奈何乘宗廟道上行哉帝
懼曰急壞之通曰願陛下爲原廟渭北衣冠月出游
之益廣宗廟大孝之本上乃詔有司立原廟原廟起
以復道故

通傳

太史公曰叔孫希世度務與時變化卒爲漢家
儒宗大直若拙道固委蛇蓋謂是乎

春三月

按原本無春三
月三字今補入

雨血于宜陽一頃

荀紀

五年冬十月吳王濞燕王建來朝

史記
年表

三月帝遊離

宮叔孫通曰古者有春嘗果方今櫻桃熟可獻願陛